

1755

C O D I C E S

1756

fedum finitum est proxima feria VI. ante wenceslaj, Sub Anno domini millesimo quadringentesimo Tricesimo Nono. Adjunctum hic fuisse videtur Autoris Nomen, cui eraso invidus quidam superinduxit: *Compiler ignoratur*, fortasse, quod *Vulcanum* metueret *Huffitarum* Scriptis olim sine discrimine imminentem, ut plurimum *Codicum* exemplo doceri posset.

CCCCXLVI.

486 Codex chartaceus lat. Sec. XV. Folior. 262. 4. sat bene scriptus et rubricis enotatus est *Summa* quaedam Theologica absque Titulo et Autoris nomine in *Alphabetum* digesta, cujus primus Articulus est *Absolutio* et initium, ut sequitur: *Absolutio dicitur tripliciter scilicet Absolutio auctoritatiua. que soli deo convenit. Absolutio denunciatiua ex officio que sacerdotibus limitatur.*

Et Absolutio dispositiua, qua quis disponit se per veram contritionem ad soluendum propria vincula peccatorum &c. Ita deinceps Abstinentia. Abusiones duodecim. Acceptio Personarum. Accidia. Accusatio &c. Textibus Scripturae, Juris Canon. et Patrum sua stabilit Adserta Noster. Recentissimos citari video *Hugonem Victorin.* et *Robertum Lincoln.* illum XII. hunc XIII. Sec. Scriptorem, quin et *Doctorem evangelicum*, quo nomine apud *Bobemos* sibi adhaerentes *Job. Wicleffus* fuit. Cujus itaque Scholae fuerit, patet ex Articulo de *Ecclesia*, ubi: *Ecclesia catholica est congregacio fidelium predestinatorum et iustificatorum.* Item: *Ecclesia militans est corpus predestinatorum dum hic viat ad patriam.* Quae Sententia est inter *Job. Hussi* damnatas in Synodo *Const.* Similia observes in Artt. de *triplici Mendicatione* et de *Papa.* Ad calcem:

*Fructus adest operis mercedem christe dona laboris
Nomen scriptoris si tu cognoscere uelis
Ma tibi sit primum thy medium asque ymum.*

Si *ro* *Scriptoris* denotaret ipsum hujus *Summae* *Compilerem*, suspicari quis posset, *Matbiam* hunc esse a *Panow*, *Lanow*, seu *Fanow* Theologum *Pragensem* a 9. in *Academia Parisina* exactis annis dictum *Parisiensem*, de quo *Lupacius* in *Ephem.* ad diem 30. *Novembr.* et *Balbinus Bob. doct.* P. II. p. 177. Quem Virum quamvis et posterior hic et se-

cundus Editor ejus Catholicis accensere conentur, haeret mihi tamen in Professione Fidei *M. Jobannis Przibram* apud *Cochlaeum Hist. Hussit.* p. 540. *Articulus L.* in quo *M. Matbiam* *M. Jobanni Hussi* conjungi video. Quoniam vero in *Summa* nostra non semel citatur *Parisiensis*, ultra suspicionem supra motam vix quoquam progredi fas erit,

1757

P O L E M I C I

1758

erit, nisi dicas *Matthiam Parisiensem* se ipsum, ut Autorem a se diversum, citasse, quod vix probabile. *Codicem* porro in *Bohemia* scriptum testantur Membranae duae eum ambientes, quarum anterior continet Notitiam publicam *Census mediae Sexagenae grossorum denariorum Pragensium* venditi a *Wenceslao Waijgharth* Cive *Eylaviensi Nicolao* Plebano in *Gerczan*, Cujus testes *Jacobus anas Cuba judex* — — *Frana Sutor. Joannes Mudry. Wencesl. Synek. Martin. Holecz. Johannes doleator.* Datum et actum in *Eylav*. Anno domini *Millesimo quadringentesimo XVI^o*. feria tertia post octavam epifanie domini. Posteriori fidem facit *Nicol. Werkmeister Judex* et *Nicol. Coblenz Magister civium* cum aliis Consulibus *Civitatis Zacen*. a *Nicolao de Strancz* certam *Grossorum Pragensium* Summam perfolutam esse *Bertoldo Kezlen*. Notae temporis abscissae fuere.

CCCCXLVII.

487 Codex chartaceus lat. Sec. XV. Folior. nunc 259. 4. manu difficili minute scriptus, foliis cum in medio, tum in fine mutilatus, multumque situ passus est *Concordantia IV. Evangelistarum*, cujus Prooemium incipit: *Lex seu doctrina evangelica perfectissima est per se sufficiens ad regimen ecclesie militantis cui non licet quicquam addere uel subtrahere &c.* Ita totidem paene ver-

bis *Joh. Hussus* in *Scripto de Sufficientia legis Christi*, T. I. Opp. 1715. p. 55. *Lex Jesu Christi est sufficientissima, requisita ad regimen Ecclesiae militantis, cui non licet quicquam addere vel subtrahere.* Ut adeo ab hac Thesi Magistri Tractationem suam auspiciari voluisse videatur Discipulus aliquis, aut Tractatio ad ipsum *Hussum* referenda fit. Atque posterius istud aliquam inde veri similitudinem nanciscitur, quod, quamvis inter *Hussi* Opera nemo *Concordiae Evangelicae* meminerit, nostra tamen praesens cum *Ejus Historia Gestorum Christi et Passionis Christi ex 4. Evangelistis in unum collecta* P. II. Opp. p. 1. et 8. non parum conveniat, haecque duo Opuscula majoris Operis veluti Compendium haberi queant.

Codicem anno 1516. possedit Sacerdos *Bobemus* ille *Wenceslaus Rossa Cbrudimens.* cujus plura κτηματα jam haecenus retulimus.

CCCCXLVIII.

Codex chartaceus lat. boh. 668 Sec. XV. Folior. 189. 4. currente calamo, non una manu conscriptus *Sermones* continet in *Dominicarum Evangelia* et *Epistolae*, non observato temporis ordine, nec deductos semper, sed non raro συνοπτικως exhibitos. Ita Thema Sermonis I. *Jam vos mundi estis propter sermonem quem locutus sum vobis. Joh. XV.* mox sic digeritur: *Et sic sermo erit*